

王榮

竹居攷虞

全唐文

卷七百六十九之七百七十

王 卷

竹 居 叢 書

全唐文
卷之四百九十五

欽定全唐文卷七百八十二目錄

李商隱

十二

代諸郎中祭太尉王相國文

韓城門文請爲子姪祭外姑公主文


爲馮從事妻李氏祭從父文

爲王從事妻万俟氏祭先舅司徒文

爲王秀才妻蘇氏祭先舅司徒文

爲外姑隴西郡君祭張氏女文

奠相國令狐公文



祭呂商州文

祭長安楊郎中文

祭張書記文

祭外舅贈司徒公文

重祭外舅司徒公文

祭處士十二房叔父文

祭韓氏老姑文

祭徐姊夫文

祭徐氏姊文

祭裴氏姊文

祭小姪女寄寄

欽定全唐文卷七百八十二

李商隱 十二

代諸郎中祭太尉王相國文

維太和四年月日某官等敬祭於故相國贈太尉太原王公之靈嗚呼天以和氣鍾於貴人含光不曜煦物如春發自貢士驟爲庭臣鴻雁聯行共凌青雲旣操利權兼秉國鈞食祿甚厚奉身如貧井絡之隅益部爲大斗牛之下揚州繁會受社臨戎油幢曲蓋印綬重疊恩華霽霽簿領如山處之若閒權筦之權往而復還炎炎暉暉出入二紀未

曾傷物屢有薦士急難友弟謹厚訓子顏間熙熙不形愠
喜處已無咎得君如此若木方高香颿歛起三台之氣變
見在時五福之來盛衰有期晚下黃閣車騎威遲夕歸華
堂言笑嘻怡詰朝慙然有恙求醫未撤琴瑟俄懸素旗宸
衷震悼朝右悽悲詔下褒崇恩殊等夷靈輜旣駕真宅將
歸笳簫咽而復揚風日慘而無輝元亮等或蚤挹清塵或
晚承泛愛昔修禮於門楣今纏悲乎祖載幽顯雖異音徽
未昧神之格思歆此誠酹尚饗

韓城門文請爲子姪祭外姑公主文

伏惟靈圓蓋垂慶方輿薦祉彩炯金沙芳流瑤水振馥掩
蕙懷穠耀李前朝則稟謝成篇東漢則儀班問史後宮承
露別殿相風屏高雪透簾虛霧蒙武帝之黃金屋裏阿母
之碧綺疏中方星婺對比月娥同魯館未築堯親尚宴吹
管邀雲投壺笑電憑淑倚柔含芳吐蒨樓欲起而鳳來橋
將橫而鵲遍唐推姜姓周重崔門王子敬以筆劄取何平
叔以姿貌論女媿前師嬪慙後則比神仙而作配豈工容
而校德揚歷中外便蕃寵榮旁規不替內助無傾劍分沈
躍桐半死生機殘緯斷瑟怨絃驚唐邑荒臺沁園古木往

往遺翰依依燧燭皋平風緊川斜日速雖有祭以呈文終
無城而驗哭怨能感物憂可傷人膏肓語夜瘡首藏春五
聲誰驗九折非神空畱遺範竟掩光塵嗚呼哀哉某自辱
嘉姻亟移年序試種玉而有感實坦床之無譽因依高義
俛仰清規假華闕一字之繩墨保私門之鼎彝恩重事著德
流慶垂旣歡琴瑟亦賦螽斯今則窀穸有期聲容漸隔表
署古道啟揚曲陌九醞斯在八珍如昔縱有寫於千辭終
期於再覲嗚呼哀哉敢緣愛女冀望遺靈固將不昧儻
或來聽

爲馮從事妻李氏祭從父文

有美吾門實繫公族絳霄結蔭皇極流輝自嚴君以交辟
延榮仲父以立朝衍慶叔父雖禮疎五服而義協一家馬
援於兒姪之間一情無異王華在兄弟之列數從猶親吉
人寡辭君子無爭屬者以獻賦不遇投筆從戎鏡水稽山
聊屈觀書之望甬東淞右始開傳劍之名經途幾千去國
數載爰因職貢來奉闕庭傳車方馳朝露溘至禍生朽索
釁起揚鞭始驚香而不禁俄折臂而無望嗚呼存亡恒理
修天常期所悲者方次中塗所痛者非因美疢稅鞅告痛

肩輿數晨旣鍼艾之莫徵果含禭而斯及況乎合室遠在海涯一女方羈二子未卅人生甚痛天道奚言今以家國載遙十戈未息尚稽歸祔乃議從權定鼎城東永通門外南瞻嵩嶺北望邛山式崇寓殯之封且作藏神之室必也慶延異日時屬通年先溫序之思歸俟臧孫之有後二十一姪女早蒙慈撫久歎違離今又從夫山東食貧洛水將療無及驚悲有加敢因祭酹之馨聊冀精靈之降嗚呼叔父永鑒卑誠

爲王從事妻万俟氏祭先舅司徒文

新婦豐咎所招重罹天譴始釋縲而就吉俄解悅以聞凶
衰禍所延或深諸婦冤號之地良異他人爰在高堂嘗依
諸舅聿來我族實號儒門雖傳業於詩書冀同光於軒冕
羽書銅印東泛西浮及世難旋臻家徒壁立望萍蓬而結
欸指溝壑以貽憂竟蒙念切諸生言憂幼女卜云其吉天
也來儀蓮幕高華蘭階秀異尊卑共感里巷同歡豈謂百
兩纔歸雙旌遽改雖在途稱婦已蒙羔雁之榮而辭家適
人未具箴輦之敬詎言不日奄背深慈永痛長號五情分
裂嗚呼哀哉遠國千里夜泉九重側聞龜策之言將備塗

芻之禮今以干戈未息途路多虞清貧昭難食之憂遐阻
難舉家而往不獲躬隨絳旄親詣松局撫行引以傷摧抱
眇孤而惋毒酒醪粗列蔬果空陳身叩盃盤血沾匙筋榮
同子婦雖稱美於他宗念繫孫甥亦兼情於血屬敢希神
理賜監哀衷

爲王秀才妻蘇氏祭先舅司徒文

奉違慈顏將涉半載追攀莫及號毒無任恭惟尊靈好是
懿德其修身克己之規矩誓心奉國之忠誠武畧文經官
方政術旣外言不入於中壺故殊勲無預於斯文今瀝血

寫誠叩心寄酷祇欲以閨庭見聞之事申泉局永遠之哀
三奠未終五情先潰嗚呼不祐天實爲之昔我門外首啟
侯服傳鼎銘於百代稱玉潤於十家新婦之先實繼儒德
羔鴈克光於宋子丹青遠比於瀛州

秦府學士之後

三紀以前六

姻推最俄已吉凶相反中外貽悲蕞爾羈孤邈無依怙孱
形弱質言歸自出之私五嶺三江遠食分憂之祿結愛異
諸生之列延慈於眾妹之中雖手足乖離鄉關綿邈而蘇
氏魂靈有寄四無虧言念慈仁實動肌骨新婦禱昧成
性誨誘難移大家以恤孤嚴室而悔過面授刀尺躬傳織

紆常憂許嫁之時未盡宜家之美俄乃守龜有兆贅鴈來
儀克以眇軀榮陪諸婦愛忘於醜姻不失新良人旣託於
外兄邱嫂復榮於猶女蕃總百口咸蒙衣食之仁昆弟三
人並受簪纓之賜况茲屢歲時邁沉疴煎餌延憂禱祠積
費田巫密召秦緩旁求迴幽魂於再三割廉俸之千萬重
以某郎祇蒙嚴訓投迹名場載深惟疾之憂常有于飛之
命辭離葢數就奉多違或榮寵屢加每乖於獻賀或起居
有恙葢闕於煎調日月其除螽斯寡裕使二男繼夭重貽
門戶之憂雖一女出家未有莊嚴之力方將湔腸洗胃易

慮兢魂冀收慶於將來用承光於厥後豈謂豐深無禱祐
薄難修方於百戰之中忽降兩楹之夢追摧酷裂五內崩
傷嗚呼士誰不榮者風義人誰不只者勲庸八綰州符兩
司廉印三遷省座四陟齋壇玉帛賢豪畧盈於管第袴襦
疲病橫勵於藩維雖清閒之事業無虧而大國之依憑未
極殷輪莫返撫節歸全上軫九重旁淒五服銀章拾級遽
爲告弔之恩水土分宮翻作追榮之美天乎不憺神也何
依今則龜筮有從日月叶吉指祁連而啟引復京兆以開
阡絳旄前指桐棺後出嚴姑永慟以觸地令嗣長號而怨